



FRIEDRICH NAUMANN
FOUNDATION For Freedom.
Human Rights Hub

მიხეილ ზაქარაიშვილის ისჯობა

მიხეილ ზაქარაიშვილი განათლებით იურისტი. ამჟამად, ის სკორტული ჟურნალისტი, საიტზე BARCAMANIA.GE. მას ბრალად ედება წვრილმანი ხულიგნობა და პოლიციელის კანონიერი მოთხოვნისადმი დაუმორჩილებლობა, პოლიციელის შეურაცხყოფა. მიხეილი, 2024 წლის 30 ნოემბერს თბილისში დააკავეს, რუსთაველის გამზირზე გამართულ საპროტესტო აქციაზე, სადაც ის “ქართული ოცნების” ანტიევროკუული კურსის აპროტესტებდა. ზაქარაიშვილი აქციაზე მეგობარ გოგონასთან ერთად იმყოფებოდა, რომელიც გარკვეული დროის შემდეგ სახლში გააცილა და უკან, აქციაზე დაბრუნდა. ის დაბრუნებიდან დაახლოებით ნახევარ საათში დააკავეს. აქციაზე გარემო იყო მშვიდი, თითქმის არაფერი ხდებოდა მშვიდობიანი შეკრების გარდა. მოულოდნელად, აქციის მონაწილეების მიმართულებით დაიძრნენ ე.წ. „რობოკოპები“, რომლებმაც ალყაში მოაქციეს მოქალაქეები, მიხეილს ჯერ ურთყამდნენ, აგინებდნენ და ეუბნებოდნენ, რომ ემოდრაჷ. ცემის შედეგად მან თვალის არეში დაზიანება მიიღო. შემდეგ დაიწყეს აქციის მონაწილეების უმიზეზოდ დაკავება. უკანონო დაკავების დროს აგინებდნენ და აყენებდნენ შეურაცხყოფას, იძულების წესით მოათავსეს დაკავების მიკროავტობუსში, რომელსაც არც ფანჯრები და სკამები ჰქონდა და არც რაიმე ნიშანი, რომ ნამდვილად პოლიციის იყო.

დაკავების მიკროავტობუსში, მიხეილი 11 დაკავებულთან ერთად აღმოჩნდა. მიკროავტობუსში ფიზიკურ ძალადობას ადგილი არ ჰქონია, თუმცა იყო გამუდმებული მუქარა და ფსიქოლოგიური ძალადობა - „ნუ ლაპარაკობთ, ხომ არ გინდათ დაგიმატოთ“ - ამ და სხვა მსგავსი მუქარის სიტყვებით მიმართავდნენ პოლიციელები დაკავებულებს. იმის გამო, რომ დაკავების მიკროავტობუსს არ ჰქონდა ფანჯრები და სკამები, ხოლო კარი, ერთი საათის განმავლობაში დახურულ მდგომარეობაში იყო გაჩერებული, მიხეილთან ერთად ერთ-ერთ დაკავებულ პირს, რომელსაც ასტმა ჰქონდა, ჯანმრთელობის პრობლემები შეექმნა.

1 საათის შემდეგ, პოლიციის მიკროავტობუსი მოვიდა და დაკავებულები კახეთის გზატკეცილზე, საკატრულო პოლიციის განყოფილებაში გადაიყვანეს, სადაც კიდევ ერთი საათი იყვნენ გაჩერებული საკატრულო პოლიციის ავტოფარეხში. აღსანიშნავია, რომ კატრულის ერთ-ერთი თანამშრომელი გამოირჩეოდა აგრესიით და დასცინოდა ავტომობილში მყოფებს: „რა სუნია მანქანაში, ვიღაცაა შიშით ჩაიფსაო“. განყოფილებაში ზაქარაიშვილს დაკავების შესახებ დეტალები გამოჰკითხეს და გურჯაანის იზოლატორში გადაიყვანეს, სადაც მან 48 საათი დაჰყო.

მიხეილი, დაკავების დროს იყო ნაცემი, მას ცემის შედეგად, დაზიანება მიღებული ჰქონდა თვალის არეში. დაზარალებულს ჩაუთარდა მხოლოდ ვიზუალური დათვალიერება, რასაც სამედიცინო რეაგირება არ მოჰყოლია.

მიხეილ ზაქარაიშვილის მიმართ შედგენილ იქნა ადმინისტრაციული სამართალდარღვევის ოქმი, სამართალდარღვევათა კოდექსის 166-ე და 173-ე მუხლების პირველი ნაწილით გათვალისწინებული ქმედების საფუძველზე. მისი საქმე განიხილა მოსამართლე ნინო ენუქიძემ. დაზარალებულის საქმეზე, ჩვენება მისცა ორმა პოლიციელმა, თუმცა არცერთი მათგანი არ იყო მიხეილის რეალური დამკავებელი, რადგან ის ე.წ. “რობოკოკებაჟ” დააკავეს და საკატრულო პოლიციის თანამშრომლებს შემდეგ გადასცეს. აღსანიშნავია, რომ ერთ-ერთი პოლიციელი, ილია კენჭაშვილი, სასამართლო პროცესზე დასმულ შეკითხვებს პრაქტიკულად ვერ პასუხობდა, მეტიც, მას წარმოდგენაც კი არ ჰქონდა რა ხდებოდა იმ დამეს რუსთაველის გამზირზე და როდესაც პოლიციელმა მიხეილისგან გაიგო, რომ ბარიკადები იყო აღმართული, მას მოსამართლისგან იმის განმარტება დასჭირდა, თუ რას ნიშნავდა სიტყვა “ბარიკადი”.

საქმეზე წარმოდგენილი არ ყოფილა არცერთი ობიექტური მტკიცებულება, რომელიც დაადასტურებდა დაკავებულის მიერ ჩადენილ სამართალდარღვევას. მოსამართლემ მხოლოდ პოლიციელების ჩვენების საფუძველზე მიხეილ ზაქარაიშვილი სამართალდამრღვევად სცნო და სახდელის სახით შეუფარდა ჯარიმა 2100ლ-ის ოდენობით.

არსებული ინფორმაციით, სამსახურებრივი უფლებამოსილების შესაძლო გადამეტების ფაქტზე, გამომძიება დაიწყო სპეციალურმა საგამომძიებო სამსახურმა, მიხეილ ზაქარაიშვილი გამოიკითხა სპეციალურ საგამომძიებო სამსახურში. ნივთმტკიცების სახით, დეკემბრის შუა რიცხვებში მათვე ჩააბარა სისხლიანი აირნიანდი და ქურთუკი. საგამომძიებო უწყებიდან სხვა მოქმედებების განხორციელების შესახებ მიხეილისთვის ცნობილი არ არის.

სპეციალურ საგამომძიებო სამსახურს მიხეილისთვის დაზარალებულის სტატუსი არ მიუნიჭებია.